

Sendis: Oskar Svantesson, Fågelfångaregatan 20, Göteborg, Svedujo. --- Aper-  
 as laŭeble semajne. Abonprezo: 20 nroj kostas 5 kr, 50 nroj 10 kr. Poŝtgiro  
 62252. --- Via abono finiĝos per tiu numero, kiu estas indikita sur la ko-  
 verto.

xx

Niaj handikapo. Mi legis en la gazetoj, ke la iama prezidanto de Brazilo,  
 sro Vargas, estas tenata en malliberejo en sia bieno. Sed pli multe mi fakte  
 ne scias pri la afero. Almenaŭ nia cerbo estas sufiĉe limigita, kiam temas  
 pri tenado de la ĉiutagaj novaĵoj. Oni legas kaj legas amason da novaĵoj,  
 sed ne povas teni en la kapo ĉiujn. Mi nun volus scii pli multe pri la afero,  
 ĉar la iama prezidanto ja havis grandan intereson pri esperanto. Se ni nun  
 havus la ordinaraĵojn de la grandaj gazetoj, ni povus sendi demandajn  
 telegramojn ktp por ekhavi informojn. Sed por tio niaj rimedoj estas multe  
 tro malampleksaj. Ni povas skribi al Brazilo, sed informojn pri la afero  
 ni ricevus post nur tre longa tempo. Jen por ni granda malfacilaĵo, kiam  
 ni volas en esperanto produkti "gazetojn". Ni ne havas la monajn rimedojn,  
 ne ne posedas la bezonatan tempon por fari esplorojn, ni ne havas ian or-  
 ganizon kun korespondantoj en ĉiuj landoj, kiuj havus je sia dispoŝo su-  
 fiĉan sumon por povi telegrafe sendi raportojn pri la esperantistaj okazint-  
 aĵoj. Sed --- tion ni devus iel venki. Ni laboru por ke ni havu almenaŭ  
 korespondan reton ĉirkaŭ la mondo. Ni havas pli grandajn eblecojn ol iu ajn  
 en tiu sfero, ĉar ni havas lingvon, kiu estas komuna por ĉiuj landoj. Ni  
 ne bezonas traduki, ni ĉie komprenas unu la alian. Pro tiuj kialoj ni havas  
 ankaŭ kelkajn avantaĝojn je nia flanko, kaj ni laboru por plimultigi ilin.

Somera universitato. La jarkunveno de SEF ja okazos pentekoste en Uddevalla.  
 Ĝi estos sekvata de Somera Universitato, pri kiu oni ĵus traktas. Eble oni  
 havos subtenon de ABF. Kondiĉo tamen estas, ke oni povas al ABF prezenti la  
 programon, kaj tiu ankoraŭ ne estas preta. Ni tamen esperu, ke la Univer-  
 sitato okazos, ĉar certe ĝi estos bona arango en la movado.

Kristnaska foiro. En Malmö la tiea klubo aranĝos kristanskan foiron la 1-an  
 de decembro. Oni ŝajne intencas aŭkcio vendi diversajn varojn, kiujn la  
 membroj donacu al la foiro. La nutrajreguliga aŭtoritatoj tamen 14 tagojn  
 antaŭ la aŭkcio deziras liston pri la vendotaĵoj. Tial oni petas, ke la  
 membroj jam la 7-an de novembro anoncu, kion ili intencas donaci.

Sro Nylén la 9.11 vizitos la esperantoklubon de Västerås, kie li en la sveda  
 rakontos pri la temo När esperanto kom till Sverige. La parolado konsistos el  
 libere el la memoro donitaj informoj pri la unua tempo de la esperanta mo-  
 vado en nia lando. ---- La esperantokurso en Västerås kolektis 8 parto-  
 prenantojn.

La lingvo ŝanĝiĝas. Nun ne temas pri nia esperanta lingvo, sed pri la sveda.  
 Almenaŭ skribe oni preskaŭ ĝis nun en la sveda lingvo provis restigi la  
 hereditan kutimon, uzi diversajn formojn de la verbo en singularo kaj plu-  
 ralo. Sed dum la lastaj jaroj, eble jardekoj, aŭdiĝis voĉoj por transiro al  
 ununura formo, sama por la du nombroj. El la parola lingvo la diferenco mal-  
 aperis antaŭ jarcentoj. Oni tute ne povas trovi svedon, kiu parole uzas  
 malsamajn formojn por singularo kaj pluralo. Pro tio modernaj lingvistoj ple-  
 dis por tio, ke ni transiru al pli simpla sistemo ankaŭ por la skribo,  
 ĉar tre multe da laboro oni devas dediĉi al la lernado de la diversaj formoj.  
 Kaj oni opiniis, ke estus pli bone uzi la tempon perditan en niaj lernejoj

por pli utila temo. Kaj kompreneble temas ankaŭ kaj ĉefe pri lingva sento, pri korekteco. Oni opinias, ke la parola lingvo estas la origina, kaj se estas diferenco inter la du, la skriba lingvo devas sekvi la parolan. Iom post iom pli kaj pli da verkistoj kaj gazetoj transiris al la nova modo, kaj nun el 134 pli gravaj gazetoj kaj jurnalaj nur 65 tute aplikas la duoblajn formojn.

Kvardekjara esperantoklubo. En 1946 la esperantoklubo de Malmö festos sian 40-jartagon. La kluba gazeto informas, ke la solena festo pro la jubileo okazos la 22-an de Aprilo 1946. Oni esprimas specialan esperon pri vizito de multaj amikoj.

Internacia Semajna Letero. aperis per sia dua numero. Eldonanto estas sro Otto Pellikainen, Seinäjoki, Finnlando. Nun la letero havas presitan kovrilon. --- Sro Einar Adamsson sendis Esperanto-Airut al skota samideano, kio kaŭzis dankan leteron de li, en kiu ~~xi~~ li proponas sian kunlaboron en la gazeto. Tio eble povas esti de certa valoro, ĉar la skoto estas redaktoro. Li inter alie diras, ke la skotoj ne estas tre entuziasmaj por esperanto, sed ke li esperas, ke la registaro baldaŭ tiom interesigas pri esperanto, ke ĝi ĝin enkondukos en la lernejojn. Ĝis nun oni povas lerni esperanton nur en la vesperaj lernejoj dum la vintro. Oni havas multajn esperantoklubojn tra la tuta lando, sed la milito malhelpis ilian agadon, kaj kelkaj ne plu funkcias.

Propagando en la Seminario de Strängnäs. Sro Beckman en Strängnäs dum la esperanta semajno propagandis esperanton inter la seminarianoj de Strängnäs. Li ankaŭ intencas sendi cirkuleron pri esperanto al la instruistoj de la gubernio de Södermanland. Same ĉi parolos pri nia lingvo en Strängnäs kaj en Birkagården en Stockholm. Laste, li sendis monsumon al Korte por ke tiu havu ioman kapitalon por starti la novan instruistan movadon. Tamen, la malfacilaĵoj pri mensejoj nuntempe estas grandaj, kaj sro Beckman ne povas garantii, ke la sumo atingos sron Korte.

Gazetara servo. Mi pro letero de Malmgren dissendis novaĵon al la gazetoj, pri la Brazila broŝuro pri Santos Dumont. Brazilo ja eldonis broŝuron en esperanto pri tiu unua flugisto en la mondo. Li en 1906 flugis 220 metrojn dum 21 sekundoj kaj per tio starigis ~~x~~ la unuan mondrekordon en distanca flugado. --- Mi konsilus peti la broŝuron ĉe Ministerio por Eksteraj Aferoj, Rio de Janeiro, Brazilo. Eble oni ne ricevos la broŝuron, sed oni montros, ke esperanto vivas.

Radia programo. Malmgraŭ miaj demandoj al diversaj landoj, mi ne ricevis direktajn informojn pri la sendotempo de diversaj radiostacioj. Sed laŭ informoj ĉerpitaj el diversaj fontoj la dissendo okazas laŭ suba listo. Se iu sukcesis aŭskulti iun aŭ alian stacion kaj do povas verifiki la ĝustecon, mi estus tre danka, se vi volus sendi informon. Do, sendoj okazas:

Ciutage	2300-2315	Praha 31,41 m 1571 m Oficialaj informoj
Dimanĉe	1030-	BNRO Kortrijk, Belgujo 202,5 m Parolado
Lunde	2110-	Lyon
Lunde	2220-2230	Praha I 1571 kaj 470,2 m Informoj
Merkrede	1700-	Sofio, Bulgarujo 352 m Parolado
Ĵaŭde	2220-2230	Praha I 1571 kaj 470,2 m Informoj
Vendrede	1545-	WRJN Racine, Wisc. Usono ?m Parolado ktp
Sabate	2000-2045	PRA2 Brazilo ?m Paroladoj pri esp.
10.11.45	1930-1945	3SR Aŭstralio 238 Novaĵoj.

La esperanta vivo en Skövde. Merkrede la 7-an de novembro startos daŭriga kurso en Folkskolan, Östra skolhuset, je 1930 h. La kurso ampleksos legadon, tradukadon, gramatikon, konversacion, interpretadon. Ĉio estas plaĉe aranĝita en lecionetoj je 20 minutoj. Celo: bonaj esperantistoj, kiuj ĉe korespondado kaj vojaĝoj kapablos praktike uzi la lingvon.

La 8-an de novembro je 2000~~h~~ h la esperanta klubo havos en hotelo Billingen festena kunveno. Orkestra muziko, ĥorparolo, kanto kaj parolado de membroj de la kurso en la popollernejo. Mallonga prelego, kafotrinkado, demanda kvaronhoro, ekspozicio ktp. Al tiu vespero oni persone invitis ĉ. 200 membroj de diversaj idealismaj kluboj en Skövde.

Sabate la 10-an de novembro la membroj de la esperanta klubo kaj ceteraj esperantoamiko estas bonvenaj al Junulara kunveno en Skövde försmalingshem. Skövde Kyrkliga Ungdomsförbund invitis kaj Sven Jivegård parolos pri la temo Fånge eller fri? (Libera aŭ mallibera?) Oni montros filmon, regaloj per kafo, prezentos liutan kantiston ktp.

Por faciligi al la membroj de la esperanto klubo fari vojaĝojn oni startis ŝparklubon, kiu aliĝis al Postsparbanken.

Kurso por komencantoj ekos jaŭde la 15-an de novembro je la 1930 h ~~■~~ en Folkskolan.

Jen la teksto de la parolhoro: Ni estas junaj. La estonteco apartenas al ni. Por ni la mondo malfermis sin, ĉar ni parolas la interpopolan lingvon. En ĉiu kontinento, en ĉiu lando atendas nin junaj geamikoj. Ili deziras kontakton kun ni per la komuna lingvo.

Ni havas jam kaj havos korespondantojn en multaj landoj -- gejunuloj kiel ni mem. Ni vojaĝos fremdlanden por viziti niajn samideanojn, ni akceptos ilin tie ĉi. Nia devizo estas: Paco, interkompreno, vera fratigo -- de koro al koro. Vivu la bela Esperanto!

Cinoj, hindoj, afrikanoj,  
angloj, francoj, svedoj, danoj,  
homoj en la tuta mondo  
estu unu frata rondo.  
Sonu forte nia kanto  
Vivu bela Esperanto!

Kanto: (Mel.: Plocka vill jag skogsviol....)

Kolektos, kolektados mi en la arbarsalon  
plenbrakon da erik, viol -- kunligos al florkron  
Pirolo, timiano pri la amik pensigas min --  
kaj multon ekmemoras mi kun floroj en la sin.

Jen la vojeton. kiun ni en la vespera pac  
promenis kaj jen sidis ni sur mola muskmatraco  
Se eĉ alia estus, al kiu manon donus vi --  
ĉe vi en revolando kun am fidela restos mi.

Tutsola mi fariĝis nun kaj sola ~~r~~ iros mi  
sen famo kaj sen mono surtere tie ĉi.

Neniu ŝteli povas trezoron mian de memor --  
mi estas tiom riĉa en somernokta hor.